

Ekewe pekin aninis esapw an ewe muun, Nenien faan, ir mi pwan tongeni neuneu ewe monien aninisin faniten ewe kkar

Release Date: September 30, 2023

HONOLULU – Ekewe nenien aninis esapw an muun, me ekewe imwen fan me ekoch namanam, ir mi tongeni pwan amasou ewe aninis ar ropwe anisi ekew chon osukosuk non ewe Aug 8 ewe kkar won Maui me Big Island.

Kesipinon om kopwe amasouwa noum taropwen aninis seni ewe FEMA's Public Assistance Program mwen **Oru, Oct 10**.

Fan ewe Aug. 10 a tou ewe esinesin pwarata seni President pun a fis ewe osukosuken kkar, mwonien aninis seni ewe Public Assistance program epwe tongeni tou faniten nimetaou ekewe neni a kkareno, me pwan feri safani ekewe neni non Maui County.

Hawai'i County mi tongeni amasou faniten ekewe popun mi afat faniten memeen me aninis ren ewe osukosuk mi weiweita.

Ewe taropwen amasou a anongonong won ika ekewe pekin aninis esapw an government mi afat ika pwe mi tongeni anisi ekewe aramas ren pekin aninisin kame tiw fifi me ekewe ekoch sokun aninis ren osukun, me ekewe ekoch sokopaten aninis ngeni aramas.

Ekewe pekin aninis esapw an government ir chon aninis won pekin chekin samau non ar kewe neni me meni fifi ra tongeni amasou ewe monien FEMA. Ekoch pwan aweve ren ewe (critical services) ika ekewe aninis ren pekin konik, suwer, me fifi; ekewe sukun ese nom fan nemenien ewe muu ika private school, ekewe ewin kinikinin sukun ren ewin mwich ngeni awonuan (elementary) me aruwon kinikinin sukun ren highschool; ika ekewe ekoch nenien sopweno pekin sukun.

Ekewe ekoch pekin aninis esapw seni ewe muu, ren ekewe imwan fan ika mwichefen, ina pwan ew ekewe sokun aninis ra nom fen ewe non critical social



FEMA

Page 1 of 3

services. Faniten ekewe ekoch sokun pekin aninis (organization), FEMA a tongeni wau an aninis ika ewe (Public Assistance funding) ei pekin monien aninis epwe tongeni tou faniten meemen ekewe angang mi afat. Nge ewin ropwe akom amasou ewe low-interest disaster loan ika ewe monien niwinimang mi kukkun manawan faniten ewe osukouken kkar seni ewe U.S Small Business Administration. Ekewe pekin aninis non Maui County ir mi tongeni amasou ewe FEMA Public Assistance, ei pekin rekan meni safani ngeni ewe muu, ewe local goverment, me ekewe ekoch sokun nenien aninis faniten ekewe memeen metoch mi afat ren ewe osukosuken kkar.

Ika pwe ewe nenien faan ika nenien aninis ir mi awora ekewe sokun pekin anisi aramas non Maui County ese ketiw ar SBA loan ika ewe monien niwinimang an SBA, ika ewe monien niwinimang ese naf ngeni ewe memeen ekewe angangen ferisafanin ekewe neni, FEMA mi tongeni epwe aninis. FEMA epwe wau ewe nusun moni ese naf mine SBA ika Insurance rese meni.

Ika pwe SBA a wau ewe monien niwinimang ngeni emon chon amasou ewe aninis, iwe ewe aramas ese chiwen mochen angei ewe monien niwinimang ewe chon amasou ewe monien niwinimang esapw chiwen tongeni neuneu monien FEMA.

Me nukun ekewe imwenfen, ekewe ekoch awewe ren ewe non-critical essential services ika pekin aninis mi pachenong ekewe sokopaten osukun, nenien tumwunun semirit, ekewe nenien anisi neuch kewe ir mi mwek, nenien tuwmunun chinap me pekin imw rekan anisi ekewe mi kukun niwinir ika housing, nenien ekewe eseor imwer me ekewe imwen anisi ekewe ra osukosuken ika peen sakau, ewe sop me ekewe imwen sopai me sakopaten apwapwa.

Ekewe imwenfen me ekewe ekoch nenien aninis non Maui County ir mi peser ropwe mwitir me amasou ewe aninis faniten ewe Public Assistance. Ewe taropwen aninis a iteni Request for Public Assistance ika tungoren aninis, Ekewe chon mochen amasou ra tongeni kerri Brian Fisher, ewe chon aninis seni ewe Hawaii Emergency Management Agency, kerri **808-518-7985** ika email Brian.j.fisher@hawaii.gov.

Chon amasou ngeni ewe SBA, ekoch pwan anisisin ewe osukosuk me om kopwe angei (download) ewe apinikation won neumi kewe mecha ika computer, owa no ngeni ei website <https://www.sba.gov/hawaii-wildfires>. Chon amasou ewe aninis ra



FEMA

Page 2 of 3

tongeni Keri SBA's Customer Service **800-659-2955** ika email ngeni disastercustomerservice@sba.gov ren kapas eis faniten ewe aninis ewe kkar seni SBA.

Ika emon a mochen epwe or chon anisi me amasoua ewe taropwen niwinimang ika loan applicaiton mi or chon tongeni anisuk non ekewe Disaster Recovery Centers, ika SBA's Business Recovery Centers, Faniten porousen ewe neni me kunokun, no ngeni <https://go.dhs.gov/oAz>.

Ren pwan ekoch porousen aninis faniten ekewe imwen fan me me mi or won [What Houses of Worship Need to Know About FEMA's Disaster Relief Process | FEMA.gov](#) non Merika, Spanish, Chinese, Vietnamese, Tagalog, French, German, Haitian Creole, Korean and Portuguese.

Faniten ekewe porous a keran tou seni ewe Maui wildfire recovery effort ika ewe pekin aninis ren ewe kkar a fis Maui, no ngeni mauicounty.gov me fema.gov/disaster/4724. Fifitikich won ewe FEMA me social media: [@FEMARegion9](https://twitter.com/FEMARegion9) me facebook.com/fema.



FEMA

Page 3 of 3